

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**OPĆINA CENTAR SARAJEVO**  
Općinski načelnik



Bosnia and Herzegovina  
Federation of Bosnia and Herzegovina  
Canton Sarajevo  
City of Sarajevo  
**CENTAR MUNICIPALITY**  
Municipal Mayor

Босна и Херцеговина  
Федерација Босне и Херцеговине  
Кантон Сарајево  
Град Сарајево  
**ОПШТИНА ЦЕНТАР САРАЈЕВО**  
Општински начелник

Na osnovu čl. 25. i 74. Statuta Općine Centar Sarajevo – prečišćen tekst (Službene novine Kantona Sarajevo“, broj 23/04) i člana 7. Odluke o realizaciji programa poticaja za samozapošljavanje mladih i unaprijeđenje poduzetništva iz sredstava Budžeta Općine Centar Sarajevo broj: 01-11-4271 od 29.07.2021.godine, Općinski načelnik  
o b j a v l j u j e

## JAVNI POZIV

### za realizaciju programa poticaja samozapošljavanja mladih i unaprijeđenje poduzetništva iz sredstava Budžeta Općine Centar Sarajevo

#### I PREDMET I CILJ JAVNOG POZIVA

Općina Centar Sarajevo ovim Javnim pozivom nudi mogućnost poticaja poduzetništva i samozapošljavanja svim zainteresovanim mladim osobama starosne dobi do 35 godina sa područja općine Centar Sarajevo, kroz stručnu podršku (trening i mentorstvo) i sufinansiranje troškova pokretanja i razvoja vlastitog biznisa.

Aplikanti će kroz ovaj Javni poziv i stručnu podršku u izradi biznis plana biti u mogućnosti jačati svoje poduzetničke vještine. Najbolje ocijenjeni poslovni prijedlozi će biti i finansijski podržanti bespovratnim sredstvima i mentorskim programom u prvoj godini poslovanja.

Visina bespovratnih sredstava po uspješno ocijenjenom poslovnom planu iznosi do 30.000,00 KM. Ukupan iznos određuje Komisija na osnovu ocjene opravdanosti troškova poslovnog plana.

#### II PRAVO UČEŠĆA

Aplikanti sa pravom učešća treba da ispunjavaju sljedeće uslove:

- Da se nalaze na evidenciji nezaposlenih JU Zavod za zapošljavanje Kantona Sarajevo
- Da imaju prebivalište na području Općine Centar Sarajevo minimalno 12 mjeseci ili planiraju registrovati i razvijati svoj biznis na području Općine Centar Sarajevo najmanje 12 mjeseci
- Da pripadaju kategoriji mladih, starosne dobi do 35 godina

### III POTREBNA DOKUMENTACIJA

Prijava na javni poziv treba da sadrži slijedeće dokumente:

- a) Jasno i čitko popunjen formular za prijavu na Javni poziv
- b) Uvjerenje o prebivalištu na području općine Centar Sarajevo u kontinuitetu najmanje 12 mjeseci (Uvjerenje o kretanju izdato od strane MUP-a KS, original ili ovjerena kopija ne starija od 30 dana)
- c) Potvrdu JU Zavoda za zapošljavanje KS da se prijavitelj nalazi na evidenciji nezaposlenih (original, ne starija od 30 dana)
- d) Kopiju lične karte
- e) Drugu eventualnu dokumentaciju kojom se dokazuju određeni statusi ili izjavljuju tražene tvrdnje, a propisana je u sklopu Javnog poziva.

Prijava mora biti potpuna i uz istu mora biti dostavljena kompletna dokumentacija tražena Javnim pozivom.

Formular za prijavu na Javni poziv možete preuzeti na slijedećem linku:  
<http://www.centar.ba/stranica/javni-pozivi-konkursi-i-oglas>

### IV NAČIN I ROK PODNOŠENJA PRIJAVE

Zahtjevi/prijave se podnose u zatvorenoj koverti, direktno na protokol Općine Centar ili preporučeno putem pošte na adresu:

**Općina Centar Sarajevo**  
**Služba za privredu i LER**  
**Mis Irbina 1**  
**71000 Sarajevo**

**Javni poziv za za finansiranje i sufinansiranje najboljih poslovnih projekata sredstvima Budžeta Općine Centar Sarajevo namijenjenih razvoju poduzetništva i zapošljavanju mladih**  
**„NE OTVARAJ“**

Javni poziv ostaje otvoren 21 dan od dana objave.

Nepotpune i neblagovremene prijave neće biti uzete u razmatranje.

### V OSTALE ODREDBE

Statusa kandidata za finansiranje stiče se:

- Podnošenjem potpune i tehnički ispravne prijave na Javni poziv u skladu sa pravilima Javnog poziva,
- Aktivnim učešćem u programu stručne podrške u izradi poslovnih planova, što podrazumijeva učešće na obuci (uz eventualno odsustvo kraće od 10% od dužine trajanja obuke) i pravovremenu izradu zadataka za samostalni rad (elemenata poslovnog plana),
- Podnošenjem potpunog poslovnog plana za evaluaciju od strane Komisije u predviđenom roku,
- Usmenom odbranom razvijenog poslovnog plana pred Komisijom.

Status uspješnog kandidata, čiji poslovni plan je prihvaćen za finansiranje stiče se:

- Pozitivnom ocjenom poslovnog poduhvata,
- U slučaju da je broj pozitivno ocijenjenih poslovnih planova veći od iznosa dostupnih sredstava, odluka o finansiranju se donosi počevši od najbolje ocijenjenog poslovnog prijedloga prema slabije ocijenjenim do utroška sredstava na raspolaganju,
- Prihvatanjem odredbi Ugovora o dodjeli bespovratnih sredstava, odnosno svih obaveza koje kandidat preuzima potpisom tog Ugovora.

U postupku po Javnom pozivu Općina Centar Sarajevo ne snosi nikakve troškove učesnika Javnog poziva.

Općina Centar Sarajevo ne snosi odgovornost prema učesnicima Javnog poziva, u pogledu aktivnosti koje su preduzeli u cilju apliciranja.

Prispjela dokumentacija se ne vraća podnosiocu.

Sve dodatne informacije vezane za Javni poziv mogu se dobiti svakim radnim danom putem telefona: 033/562-389 i 033/562-347.

**Općinski načelnik**  
Srđan Mandić